

Møte 17.06.2015 hos Kamilla. Til stades: Kamilla, Nils og Olga

Forslag til ansvarsområde:

Leiar: Nils

Kasserar: Kamilla

Skrivar: Olga

Dugnadsansvarleg/vara i styret: Cato, Anne-Ma - Olga spør desse, og håpar ein av dei svarer ja.

Vi ser på oss sjølve som ei arbeidsgruppe som skal kome med forslag til vedtekter, kalle inn til eit stiftingsmøte, og ha forslag til løysingar som er diskutert i gruppa.

Før innkalling og nytt felles møte må vi:

* Utarbeide vedtekter til velforeininga «Austegardstoppen». (ok namn?) Nils sender ut forslag til gruppa til vurdering på førehand. Vi satsar på mulig løysing på sjølve møtet - om diskusjonen går høgt - må vi ha ekstraordinært møte på vedtektene.

* Sende vedtektene ut på høyring, to veker før.

* Vurdere tvungen eller frivillig «medlemskap» i velforeininga. Nils sjekkar.

* Lage innkalling og sakliste

Dato for stiftingsmøte: 26.08.15 kl.1900

Kommunikasjonskanal: Facebook - Olga lagar lukka gruppe, som ein start på kommunikasjonen.

Nettside - Nils vurderer. Vil koste litt alt etter tilbydar/hosting. Dessutan kan det by på utfordringar når Nils ikkje lenger sit i styret.

Lagring av dokument ønskjer vi skal skje digitalt i Google drive - Nils tar ansvar for å opprette epost/brukarnamn/formidle løysing.

Verv i styret, tidsperiode: Ønske om å få til kontinuitet i styret. Korleis klarer vi det?
Forslag blir mottatt med takk ☐

Ein del velforeiningar opererer med godtgjering. Vi meiner vi er så få at godtgjering ikkje trengst. Dette gjer vi på omgang og på dugnad, for fellesskapet, for Austegardstoppen.

Økonomi: Kamilla opprettar konto i Sparebanken Vest (?). Før dette kan skje, må vi ha fått eit organisasjonsnummer i Brønnøysundregisteret. Dermed kan det bli vanskeleg å gjere dette før etter stiftingsmøtet i august.

Vi foreslår ei årleg innbetaling på 2000,- kroner, betalt i slutten av september. Eingongs innbetaling er betre enn månadlege innbetalningar. Dette lettar oversikten og arbeidet for kasserar. Spørsmålet er kva løpande utgifter har vi og vil vi få, og kor stor bør denne innbetalinga vere. Vi kjenner på ein usikkerhet rundt dette. Vi er 12 einingar, som betyr 24000,- pr år. Er dette nok? For mykje?

I fyrste omgang er det lys og lyktestolpar som utgjer den største utgifta. Vi foreslår å legge denne utanfor den årlege innbetalinga, innhente tilbod/legge det ut på anbud og fordele kostnadene på kvar enkelt. Vi kjem ikkje i mål, om vi fyrst skal samle inn pengane som trengst. Utfordring om vi har frivillig medlemskap: Nokon vil ikkje ha lys og nektar å betale. Då blir det dyrare for dei andre. Men som velforeining står vi ansvarleg dersom uhellet er ute. Vi bør tenke fellesskap.

Kva treng vi pengar til; Postkassestativ, blomster, lys/lyktestolpar, plen, postkassestativ, leikestativ, plen? Slåmaskin?

Fellesområdet er framleis i MPKEigedom/Morten Straume sitt eige. Men kvar av oss har kjøpt ein del i fellesområde. Det store spørsmålet er kva som skjer vidare.

Kamilla snakkar med kommunen om kva som står igjen i forhold til veg og overdraging. Privat el. kommunal veg. Kva seier reguleringsplanen?

For å starte ein plass opprettar vi ein byggekomité: Ruben og Frode.

Fyrste oppdrag: Postkassestativ. Nokon må forskottere for materialen, sidan vi ikkje har betalt inn noko til fellesen.

Vi ønskjer å lage ulike kommitear, eks: fellesarealkomite, gartnarkomite. Dette kjem vi tilbake til.

Utfordringar elles:

Nabo-Jarle og innkøyring over fellesareal. Gir vi han tilgang, får det følgjer for andre i velforeininga m.o.t. parkeringsplass. Nils tar kontakt med Jarle. Brukar han vegen (privat) bør også det medføre plikter (betaling). Jfr. tvungen el. frivillig medlemskap.

På fellesparkeringa bør vi ha skilt om «Privat parkering» for å unngå problem-parkering.

Epost og telefonliste: Olga lagar oversikt.

Olga, 17. juni 2015